

四庫全書

集部

欽定四庫全書

集部

御定全唐詩卷

九十五
九十四

詳校官庶吉士臣胡 鈺

主事銜臣徐以坤覆勘

總校官知縣臣

繆 琪

校對官中書臣

李 荃

謄錄監生臣

潘 坦

欽定四庫全書

御定全唐詩卷九十

張均

張均說長子開元中歷官大理卿受祿山僞命為中書令肅宗立免死長流合浦集二十卷今存詩七首

和尹恣登南樓

客來已兩春更瞻韶光早花鳥既環合江山復駢抱樓形寫北潭堞勢凌青島白雲謝歸鴈馳懷洛陽道

江上逢春

離憂耿未和春慮忽蹉跎擇木猿知去尋泥燕獨過驚
花翻霽日垂柳拂煙波激意屢怡賞無如鄉念何

九日已丘登高

一作父
說詩誤

客心驚暮序賓雁下滄洲共賞重陽節言尋戲馬遊湖
風扶戍柳江雨暗山樓且酌東籬酒聊祛南國憂

和尹懋秋夜遊澠湖二首

遠水沈西日寒沙聚夜鷗平湖乘月滿飛棹接星流黃

葉鳴淒吹蒼葭掃暗洲
願移滄浦賞歸待潁川遊
灣潭幽意深杳靄涵寒岑
石痕秋水落嵐氣夕陽沈澄
徹天為底淵玄月作心
青溪非大隱歸弄白雲潯

岳陽晚景

一作久
說詩

晚景寒鷗集秋風旅鴈歸
水光浮日出霞彩暎江飛
洲白蘆花吐園红柿葉稀
長沙卑濕地九月未成衣

流合浦嶺外作

瘴江西去火為山
炎徼南窮鬼作關
從此更投人境外

生涯應在有無間

張垚

張垚說次子尚寧親公主拜駙馬都尉許於禁中置內宅侍為文章坐事出為盧溪司馬入為太常卿祿山亂受偽相命死賊中詩一首

奉和岳州山城

一作張均詩

郡館臨清賞開

一作開

局坐白雲訟虛堂戶曙觀靜竹簷

曛懸榻迎賓下趨庭學禮聞風傳琴上意遙向日華紛

御定全唐詩卷九十

欽定四庫全書

御定全唐詩卷九十一

韋嗣立

韋嗣立字延構鄭州人第進士則天時拜鳳閣侍郎同
鳳閣鸞臺平章事神龍中為修文館大學士與兄承慶
代相嘗於驪山構別業中宗臨幸令從官賦詩自為製
序因封為逍遙公睿宗時拜中書令開元中謫岳州別
駕遷辰州刺史卒詩八首

偶遊龍門北溪忽懷驪山別業因以言志示弟

淑奉呈諸大僚

幽谷杜陵邊風煙別幾年偶來伊水曲溪嶂覺

一作各

依

然傍浦憐芳樹

一作木

尋崖愛綠泉嶺雲隨馬足山鳥向

人前地合心俱靜言因理自玄短才叨重寄尸祿愧妨
賢每挹挂冠侶思從初服旋稻梁仍欲報歲月坐空捐
助岳無纖塊輸溟謝末涓還悟北轅失方求南澗田

奉和九日幸臨渭亭登高應制得深字

層觀遠沈沈鸞旗九日臨帷

一作行

宮壓水岸步輦入煙

岑枝上萸新採樽中菊始斟願陪歡樂事長與歲時深

奉和張岳州王潭州別詩二首

并序

予昔忝省閣與岳州張使君說潭州王都督熊同
官聯事後承朝譴各自東西張公與王都督別詩
二首情頗殷切余覽以嘆因遙申和云

茂先王佐才作牧楚江隈登樓正欲賦復遇仲宣來黃
鵠飛將遠雕龍文為開寧知昔聯事聽曲有餘哀

昔時陪二賢纓冕會神仙一去馳江海相逢共播遷無
因千里駕忽覩四愁篇覽諷歡何已歡終徒愴然

奉和初春幸太平公主南莊應制

又見趙
彥昭詩

主第巖扃架鵲橋天門閭闔降鸞鑣歷亂旌旗轉雲樹
參差臺榭入煙霄林間花雜平陽舞谷裏鶯和弄玉簫
已陪沁水追歡日行奉茅山訪道朝

自湯還都經龍門北溪贈張左丞崔禮部崔光

祿

并序

僕自湯還都經龍門北溪莊宿張左丞崔禮部崔
光祿並枉垂光顧數公宿敦道義雅尚林壑謂急
於幽尋故此命駕遂不知別有勝賞偶然相過寒
暄未周神意已往雲霞之致蔑而不存逸轡放驅
清塵徒企耿歎不已而贈是詩

栖閒有愚谷好事枉朝軒樹接前驅擁巖傳後騎喧塞
簾出野院植杖候柴門既拂林下席仍攜池上樽深期
契幽賞實謂展歡言末眷誠未易佳遊時更敦俄看嘯

儔侶各已共飛騫
延睇盡朝日
長懷通夜魂
空聞岸竹動
徒見浦花繁
多愧春鶯曲
相求意獨存

酬崔光祿冬日述懷贈答

并序

光祿崔卿公懷通識濟時良具材器耽圖籍愛林泉不遺琴詠門多長者善與人交僕忝臺閣早經聯事雖幸揖風采而不接殷勤崔公以雅道自居未嘗至偃之室及僕積抱羸疾屢期放退朝廷恩假職以優閒多取急歸林服餌為事門堪羅雀庭

見狎鷗崔公則多存訪不避風雨方知向時迹也
今晨情也蘭菊春秋自芳竹柏歲寒無變僕敬之
重之故不能忘也嘗談及詞翰頗中倚撫忽枉贈
章因以投報云爾

亭伯負高名羽儀稱上京魏珠能燭乘秦壁許連城六
月飛將遠三冬學已精洛陽推賈誼江夏貴黃瓊推演
中都術旋參河尹聲累遷登御府移拜踐名卿庭聚歌
鍾麗門羅榮戟榮鸞杯飛廣席獸火列前楹散誕林園

意殷勤敬愛情無容抱衰疾良宴每招迎契得心逾重
言忘道益真相勗忠義節共談詞賦英雕蟲曾靡棄白
鳳已先鳴光接神愈駭音來味不成短歌甘自思鴻藻
彌難清東里方希潤西河敢竊明厚誣空見迫喪德豈
無誠端守宮闈地寒煙朝暮平顧才無術淺懷器識憂
盈月下對雲闕風前聞夜更昌年雖共偶歡會此難并
為憐漳浦曲沈痼有劉楨

上巳日袞禊渭濱應制

乘春袂襖逐風光
危蹕陪鑾渭渚傍
還笑當時水濱老
衰年八十待文王

魏奉古

魏奉古制舉擢第授雍丘尉
強記一覽便諷人
稱為聰明尉
終兵部侍郎詩一首

奉酬韋祭酒偶遊龍門北谿
忽懷驪山別業
因以言志示弟淑奉呈諸大僚之作

有美朝為貴
幽尋地自偏
踐臨伊水汭
想望灞池邊
是

遇皆新賞茲遊若舊年藤蘿隱路接楊柳御溝聯道愜
神情王機忘俗理捐遂初誠已重兼濟實為賢跡是東
山戀心惟一作仍北闕懸顧慙經拾紫多謝賦思玄未躡

一作躡

中林步空承麗

一作上

藻傳陽春和己寡扣寂竟徒

然紀事云龍門北溪韋嗣立山居在焉諸公賦詩奉古
時預酬唱之末張說序崔韋贈答詩云二公述志論
文首貽雅唱其餘尋聲響答望形影赴故亦峻
碧池之漣漪增瑶林之沃若蓋奉古之徒是也

崔日知

崔日知字子駿日用從父兄也有吏幹景雲中為洛州

司馬以討譙王重福功累遷京兆尹為御史李如璧所
劾左遷歙縣丞後為太常卿自以歷任年久每朝士叅
集常與尚書同列時人號為尚書裏行詩二首

奉酬韋祭酒偶遊龍門北溪忽懷驪山別業因

以言志示弟淑并呈諸大僚之作

風齡東徼尚中年忽有鄰以茲山水癖遂得狎一作學通

人迨我咸

一作南

京道聞君別

一作北

業新巖前窺石鏡河

畔踏芳茵既憐伊浦綠復憶灞池春連詞謝家子同歡

冀野賓趣閒魚共樂情洽鳥來馴詎

一作誰

念昔遊者祇

命獨留秦蕭條潁陽戀冲漠漢陰真無由陪勝躅空此

翫書筠

冬日述懷奉呈韋祭酒張左丞蘭臺名賢

弱齡好經籍披卷即怡然覃精四十載馳騁數千言孔

壁採遺篆

一作帙

周韋考絕編袁公論劍術孫子叙兵篇

魯史君臣道姬書日月懸從師改炎燠負笈遍山川上

異西河夏中非北海玄光榮拾青紫名價接通賢既重

萬鍾樂寧思二頃田長戟同分虎高冠亞

一作互

附蟬晚

懷重虛曠養志息雕鐫登高慚思拙匠物謝情妍不慕

張平子寧希

一作思

王仲宣誰謂登龍日翻成刺鵠年循

循勞善誘軋軋思微牽琢磨才既竭鑽仰德彌堅朽木

誠為諭捫心徒自憐終期吞鳥夢振翼上雲煙賦成先

擲地詞高直揆天更執樞衣禮仍開函丈筵霧披槐市

藹水靜壁池圓願逐從風葉飛舞翰林前

崔泰之

崔泰之鄢陵人以職方郎中預誅二張開元中官工部
尚書詩三首

奉酬韋嗣立祭酒偶遊龍門北谿忽懷驪山別
業因以言志示弟淑奉呈諸大僚之作

關塞臨伊水驪山枕灞川俱臨隱路側同在帝城邊謝
公兼出處攜妓翫林泉鳴騶噴梅雪飛蓋曳松煙聞琴
幽谷裏看奕古巖前落日低幃帳歸雲繞管弦叨榮慚
北關微尚愛東田寂莫灰心盡蕭條塵事捐朝思登嶺

絕夜夢弄潺湲宿懷南澗意况覩北谿

一作篇

同光祿弟冬日述懷并序

韋祭酒張左丞二公並廊廟偉才朝廷舊相咸光

首和殊為佳作輒繼陽春深增愧悚

韋祭酒嗣立張左丞說光

祿日知也

吾族白眉良才華動洛陽觀光初入仕應宿始為郎飛

螢翫書籍白鳳吐文章海卿逾往雅河尹冠前張擇才

綏鄢郢殊化被江湘高樓臨廣陌甲第敞通莊列館邛

山下疏亭洛水傍
昌年賞豐陌暇日
悅林塘衣冠皆秀

彦

一作茂

羅綺盡名倡
隔岸聞歌度臨池
見舞行門庭寒

變色榮戟日

一作自

生光窮陰方變
黷殺氣正蒼茫感時

興盛作晚歲共多傷
積德韋丞相通神
張子房吟草徧

簪紱逸韻合宮商
功名守留省濫迹
在文昌家園遙可

見臺寺近相望
無庸乘侍謁有暇
共翱翔棣華依雁序

竹葉拂鸞觴
水坐憐秋月山行
弄晚芳恩華慙服冕友

愛最垂堂無由報
天德相顧詠時康

紀事云泰之時以禮部居洛故與嗣

立說日知
數有酬唱

奉和聖製送張尚書巡邊

南庭胡運盡北斗將星飛旗鼓臨沙漠旌旄

一作旗一作旄出

洛畿關山遶玉塞烽火映金微屢獻帷謀策頻承廟勝

威躡蹠臨河騎逶迤度隴旂地脉平千古天聲振九圍

車馬生邊氣戈鋌駐落暉夏近蓬猶轉秋深草木

一作未

腓餞送紆天什恩榮賜御衣佇勒燕然頌鳴騶計日歸

魏知古

魏知古深州人性方直有才名弱冠舉進士長安中歷鳳閣舍人神龍初擢吏部侍郎睿宗即位以藩邸故吏召拜黃門侍郎遷散騎常侍同平章事開元初改紫微令終工部尚書所薦洹水令呂太一蒲州司功叅軍齊澣內率騎曹叅軍柳澤密尉宋遙左補闕袁暉右補闕封希顏伊闕尉陳希烈皆為聞人宋璟嘗稱曰叔向古之遺直子產古之遺愛能兼之者其在魏公集七卷今存詩五首

春夜寓直鳳閣懷羣公

一本題上有和中書侍郎楊再思八字

拜門傳漏晚，寓直索居時。昔重安仁賦，今稱伯玉詩。鴛

池滿不溢，難樹久逾滋。夙夜懷山甫，清風詠所思。

伯玉齊卞

伯玉也有赴中書郎詩云大方信包含優渥遂不已濯鱗龍鳳池揮翰紫宸裏

奉和春日途中喜雨應詔

皇輿

一作遊

向洛城時雨，應天行麗日。登巖送陰雲，出野

迎濯枝。林杏發潤葉，渚蒲生絲入。綸言喜花依，錦字明

微臣忝東觀，載筆佇西成。

從獵渭川獻詩

舊唐書本傳云先天元年冬上畋于渭川知古獻詩以諷手詔

褒之曰予頃向溫泉觀省風俗時因暇景掩渭而畋方開一面之羅式展三驅之禮躬親校獵聊以前禽豈意卿有箴規輔予不逮今賜物五十段用申勸獎

嘗聞夏太康五弟訓禽荒我后來冬狩三驅盛禮張順時鷹隼擊講事武功揚奔走未及去羆飛豈暇翔非熊從渭水瑞翟想陳倉此欲誠難縱茲遊不可常子雲陳羽獵僖伯諫漁棠得失鑒齊楚仁思念禹湯雍熙亮在宥亭毒匪多傷辛甲今為史虞箴遂孔彰

玄元觀尋李先生不遇

羽客今何在空尋伊洛間
忽聞歸苦縣復想入函關
未作千年別猶應七日還
神仙不可見寂莫返蓬山

御定全唐詩卷九十一

欽定四庫全書

御定全唐詩卷九十二

李乂

李乂字尚真趙州房子人年十二工屬文第進士茂才
異等調萬年尉長安中擢監察御史遷中書舍人修文
館學士睿宗朝進吏部侍郎改黃門侍郎封中山郡公
開元初轉紫微侍郎未幾除刑部尚書卒年六十八居
官沉正方雅識治體時稱有宰相器與兄尚一尚貞俱

以文章見稱有李氏花萼集又與蘇頲對掌綸誥明皇
比之味道與嶠並稱蘇李今編詩一卷

招諭有懷贈同行人

一作李
義府詩

遠遊冒艱阻深入勞存諭春去辭國門秋還在邊戍軒
車行未返節序催難駐陌上悲轉蓬園中想芳樹蜀山
自紛糾岷水恒奔注臨泛多苦懷登攀寡歡趣永夕飛
淫雨崇朝蒸毒霧不求綏嶺桃寧美邛鄉蒟白浪行欲
靜驄馬何嘗驅

唐韵區
遇切

願接輶旆塵聯翩東北騫

春日侍宴芙蓉園應制

水殿臨丹籞，山樓繞翠微。
昔遊人託乘，今幸帝垂衣。
澗篠緣峰合，巖花逗浦飛。
朝來江曲地，無處不

一作朝迴曲江地

光輝

奉和登驪山高頂寓目應制

崖巘萬尋懸，居高敞御筵。
行戈疑駐日，步輦若登天。
城闕霧中近，關河雲外連。
謬陪登岱駕，欣奉濟汾篇

奉和七夕兩儀殿會宴應制

桂宮明月夜蘭殿起秋風雲漢彌年阻星筵此夕同
綵來疑有處旋去已成空睿作鈞天響魂飛在夢中

奉和春日遊苑喜雨應詔

仙蹕九成臺香筵萬壽杯一旬初降雨二月早聞雷葉

向朝霽

一作
躋

密花含宿潤開幸承天澤豫

一作
遍

無使日

光催

奉和人日清暉閣宴羣臣遇雪應制

上日登樓賞中天御輦飛後庭聯舞唱前席仰恩輝睿

作風雲起農祥雨雪霏幸陪人勝節長願奉垂衣

陪幸臨渭亭遇雪應制

青陽御紫微白雪下彤闈決壤流天霈綿區灑帝輝水
如銀度燭雲似玉披衣為得因風起還來就日飛

奉和九日侍宴應制得濃字

望幸紆千乘登高自九重臺疑臨戲馬殿似接疏龍捧
篋萸香遍稱觴菊氣濃更看仙鶴舞來此慶時雍

送沙門弘景道俊玄奘還荊州應制

初日承歸旨秋風起贈言漢珠留道味江壁返真源地
出南關遠天迴北斗尊寧知一柱觀却啓四禪門

奉和九月九日登慈恩寺浮圖應制

湧塔臨玄地高層瞰紫微鳴鑾陪帝出攀椽翊天飛慶
洽重陽壽文含列象輝小臣叨載筆欣此一作無以頌巍巍

閏九月九日幸總持寺登浮圖應制

清蹕幸禪樓前驅歷御溝還疑九日豫更想六年遊聖
藻輝纓絡仙花綴冕旒所欣延億載寧祇慶重秋

侍宴長寧公主東莊應制

紫禁乘宵

一作雷

動青門訪水嬉貴遊鱣序集

一作上台
鱣序慶

仙女鳳樓期合宴簪紳滿承恩雨露滋北辰還捧日東
館幸逢時

幸白鹿觀應制

制蹕乘驪阜迴輿指鳳京南山四皓謁西嶽兩童迎雲
幄臨懸圃霞杯薦赤城神明近茲一作福地何必往蓬瀛

次蘇州

洛渚問吳潮吳門想洛橋夕煙楊柳岸春水木蘭橈城
邑南樓近星辰北斗遙無因生羽翼輕舉托還颺

寄胡皓時在南中

徭役苦流滯風波限沂洄江流通地骨山道繞天台有
鳥圖南去無人見北來閉門滄海曲雲霧待君開

餞許州宋司馬赴任

展驥旌時傑談雞美代賢暫離仙掖務追送近郊筵地
慘金商節人康璧假田從來昆友事咸以佩刀傳

餞唐州高使君赴任

淮源之水清可以濯君纓彼美稱才傑親人行政聲歲
寒疇蓂竟春晚別離情終歎臨岐遠行看擁傳榮

哭僕射鄂公楊再思

端揆

一作
揆席

凝邦績台階闡國猷方崇大厦棟忽逝巨川

舟白日銘安在清風頌獨留死生恩命畢零落掩山丘

故趙王屬贈黃門侍郎上官公挽詞

暮歸泉壤隔朝發城池戀漢時結愁陰秦陵下悲霰駁

駿百駟馳憫憫羣龍餞石馬徒自施玉人終不見

淮陽公主挽歌

王顏生漢渚湯沐榮天女金縷化邛塵

一本作第二句

哀榮感

路人鳳皇曾作伴螻蟻忽為親疇日成蹊處穠華不復春

故西臺侍郎上官公挽歌

寓內文儒重朝端禮命優立言多啟沃論道盛謀猷顧日琴安在衝星劍不留徒懷東武襪更掩北原丘

高安公主挽歌二首

湯沐三千賦樓臺十二重銀鑪稱貴幸

一作子

玉輦盛過

逢嬪則留中饋娥輝沒下春平陽百歲後歌舞為誰容

賓衛儼相依橫門啟曙扉

一作暉

靈陰蟾兔缺仙影鳳皇

飛一水秋難渡三泉夜不歸况臨青女節瑤草更前哀

一作哀

奉和初春幸太平公主南莊應制

平陽館外有仙家沁水園中好物華地出東郊迴日御

城臨南斗度雲車風泉韵繞幽林竹雨霰光搖雜樹花
已慶時來千億壽還言日暮九重賒

興慶池侍宴應制

神池泛濫水盈科仙蹕紆徐步輦過縱棹洄沿萍溜合
開軒眺賞麥風和潭魚在藻供遊詠

一作欣遊詠

谷鳥含櫻

入賦歌寄語乘槎溟海客回頭來此問天河

侍宴安樂公主山莊應制

金輿玉輦背三條水閣山樓望九霄野外初迷七聖道

河邊忽覩二靈橋，懸水滴滴依虬箭。清吹泠泠雜鳳簫，

回一作向晚平陽歌舞合。前溪更轉木蘭橈。

奉和春日幸望春宮應制

東城結宇敞一作瞰，千尋北闕迴。輿具四臨麗，日祥煙承。

罕畢輕黃弱草藉，衣簪秦商重沓雲巖近。河渭縈紆霧壑深，謬接鸛鴻陪賞樂。還欣魚鳥遂飛沉。

人日重宴大明宮恩賜綵縷人勝應制

詰旦行春上苑中，憑高却下大明宮。千年執象褰瀛泰，

七日為人慶賞隆鐵鳳曾鵞搖瑞雪銅烏細轉入祥風
此時朝野歡無算此歲雲天樂未窮

享龍池樂第八章

星分邑里四人居水游源流萬頃餘魏國君王稱象處

晉家蕃邸化龍初青蒲整似

一作似聘

遊梁馬綠藻還疑

一作

疑遊宴鎬魚自有神靈滋液地年年雲物史官書

奉和幸禮部尚書竇希玠宅應制

一作陪幸五王宅

家住千門側亭臨二水傍貴遊開北地

一作第

宸眷幸西

鄉曳履迎中谷鳴絲出後堂浦疑觀萬象

一作物

峰似駐

三光草向瓊筵樂花承繡宸香聖情思舊重

一作里

留飲

賦雕章

奉和晦日幸昆明池應制

玉輅尋春賞金堤重晦遊川通黑水浸地派紫泉流晃
朗扶桑出綿聯杞樹周烏疑填海處人似隔河秋劫盡
灰猶識年移石故留汀洲歸棹晚簫鼓雜汾謳

奉和幸長安故城未央宮應制

鳳輦乘春陌龍山訪故臺北宮纔盡處南斗獨昭回肆
覽飛宸札稱觴引御杯已觀蓬海變誰厭柏梁灾代挹
孫通禮朝稱賈誼才忝儕文雅地先後各時來

陪幸韋嗣立山莊應制

一作宋
之問詩

樞掖調梅暇林園種槿初入朝榮劒履退食偶琴書地
隱東巖室天迴北斗車旌門臨窳篠輦道屬扶疎雲早
明丹谷霜笳徹紫虛水疑投石處谿似釣璫餘帝澤頒
卮酒人歡頌里閭一承黃竹詠長奉白茆居

奉和幸望春宮送朔方軍大總管張仁亶

邊郊草具腓河塞有兵機上宰調梅寄元戎細柳威武
貔東道出鷹隼北庭飛玉匣謀中野金輿下太微投醪
銜餞酌緝衮事征衣勿謂公孫老行聞奏凱歸

奉和幸三會寺應制

睿德總無邊神臯擇勝緣二儀齊法駕三會禮香筵漢
闕中黃近泰山太白連臺疑觀一作書鳥日池似刻鯨年

滿月臨真境秋風入御弦小臣叨下列持管謬窺天

奉和幸大薦福寺

寺即中
宗舊宅

象設隆新宇龍潛想舊居
碧樓披玉額丹仗導金輿
代日興光近周星掩曜初
空歌清沛筑梵樂奏胡書
帝造環三界天文賁六虛
康哉孝理日崇德在真如

夏日都門送司馬員外逸客孫員外佺北征

時相

王為元帥魏大
夫元忠為副

日逐滋南寇天威撫北垂
析珪行仗節持印且分麾
羽檄雙鳧去兵車駟馬馳
虎旗懸氣色龍劍抱雄雌
候月

期戡翦經時念別離坐聞闕隴外無復引弓兒

元日恩賜柏葉應制

景龍四年

勁節凌冬勁芳心待歲方能令人益壽非止麝含香

侍宴桃花園詠桃花應制

綺萼成蹊遍籜芳紅英撲地滿筵

一作庭

香莫將秋宴傳

王母來比春華奉

一作壽

聖皇

奉和三日祓禊渭濱

上林花鳥暮春時上巳陪遊樂在茲此日欣逢臨渭賞

昔年空道濟汾詞

奉和韋韋嗣立山莊侍宴應制

曲榭迴廊繞澗幽飛泉噴下溢池流祇應感發明王夢
遂得邀迎聖帝遊

侍宴安樂公主新宅應制

牽牛南渡象昭回學鳳樓成帝女來平旦鵲鸞歌舞席
方宵鸚鵡獻酬杯

餞唐永昌

田郎才貌出咸京
潘子文華向洛城
願以深心留善政

當令強項謝一作識

高名

御定全唐詩卷九十二

欽定四庫全書

御定全唐詩卷九十三

盧藏用

盧藏用字子潛幽州范陽人舉進士不調隱居終南長安中召授左拾遺中宗朝歷中書舍人黃門侍郎修文館學士以附太平公主流驩州詩八首

九日幸臨渭亭登高應制得開字

上月重陽滿中天萬乘來莫依佩裏發菊向酒邊開聖

澤煙雲動宸文象緯迴小臣無以荅願奉億千杯

奉和九月九日登慈恩寺浮圖應制

化塔龍山起中天鳳輦迂綵旒牽畫剎雜珮冒香萸寶

葉擎千座金英漬百盃秋雲飄聖藻霄一作極捧連珠

宋主簿鳴臯夢趙六子未及報而陳子云亡今

一無追為此詩荅宋蕪貽平昔遊舊

暮川罕停波朝雲無畱色故人琴與詩可存不可識識
心尚可親琴詩非故人鳴臯初夢趙蜀國已悲陳感化

傷淪滅魂交惜未申冥期失幽報茲理復今晨前嗟成
後泣已矣將何及舊感與新悲虛懷酬昔時趙侯鴻寶
氣獨負青雲姿羣有含妙識衆象懸清機雄談盡物變
精義解人頤在陰既獨善幽躍自為疑踈彼千里足傷
哉一尉欺陳生富清理卓犖兼文史思縟巫山雲調逸
岷江水鏗鏘哀忠義感激懷知己負劒登薊門孤遊入
燕市浩歌去京國歸守西山趾幽居探元化立言見千
祀埋沒經濟情良圖竟云已坐憶平生遊十載懷嵩丘

題書滿古壁採藥遍巖幽子微化金鼎僊笙不可求榮
哉宋與陸名宦美中州存亡一瞬阻岐路方悠悠自予
事山海及茲人世改傳聞當世榮皆入古人名無復平
原賦空餘鄰笛聲泣對西州使悲訪北邙塋新墳蔓宿
草舊闕毀殘銘為君成此曲因言寄友生默語無窮事
凋傷共此情

餞唐州高使君赴任

餞酒臨豐樹褰帷出魯陽蕙蘭香已晚桐柏路猶長祖

遯方城鎮安期外氏鄉從來二千石天子命唯良

餞許州宋司馬赴任

國為休徵選興因仲舉題山川襄野隔朋酒灞亭睽零
雨征軒驚秋風別驥嘶驪歌一曲罷愁望正淒淒

奉和立春遊苑迎春應制

天遊龍輦駐城闔上苑遲光晚更新瑤臺半入黃山路
玉檻傍臨玄霸津梅香欲待歌前落蘭氣先過酒上春
幸預柏臺稱獻壽願陪千畝及農晨

奉和幸安樂公主山莊應制

皇女璫臺天漢潯星橋月宇構

一作創

山林飛蘿半拂銀

題影瀑布環流玉砌陰菊浦

一作酒

香隨鸚鵡泛簫樓韻

逐鳳凰吟瑤池駐蹕恩方久璧月無文

一作雲

興轉深

夜宴安樂公主宅

侯家主第一時新上席華年不惜春珠釭綴日

一作月

那

知夜玉筍流霞畏底

一作極

晨

岑義

岑義字伯華文本之孫第進士則天時為天官員外郎
中宗朝同中書門下三品景雲初進侍中封南陽郡公
坐豫太平公主謀伏誅詩六首

九月九日幸臨渭亭登高應制得溪字

重九開科歷千齡逢聖紀爰豫矚秦垌昇高臨灞浹玉
醴浮仙菊瓊筵薦芳芷一聞帝舜歌歡娛良未已

奉和九月九日登慈恩寺浮屠應制

寶臺聳天外玉輦步雲端日麗重陽景風搖季月寒梵

堂遥集鴈帝樂近翔鸞願獻延齡酒長承湛露歡

餞唐州高使君

蒼茫南塞地明媚上春時目極傷千里懷君不自持
征車別岐路斜日下崦嵫一歎輶軒阻悠悠即所思

奉和春日幸望春宮應制

和風助律應韶年清蹕乘高入望僊花笑鶯歌迎帝輦

雲披日霽俯皇川南山近壓

一作獻

仙樓

一作杯

上北斗平

臨御宸

一作魏闕

前一奉恩榮同鎬宴

一作在鎬

一作歡

空知率舞聽

薰弦

奉和幸安樂公主山莊應制

銀榜重樓出霧開
金輿步輦向天來
泉聲迴入吹簫曲
山勢遙臨獻壽杯
帝女含笑流飛電
乾文動色象昭回
誠願北極拱堯日
微臣抃舞詠康哉

夜宴安樂公主新宅

金榜重樓開夜扉
瓊筵愛客未言歸
銜歡不覺銀河曙

一作

盡醉那知玉漏

一作露

稀

薛稷

薛稷字嗣通汾陰人道衡曾孫魏徵外甥也擢進士第
景龍中昭文館學士睿宗立拜中書侍郎參知機務歷
太子少保以翊贊功封晉國公工書畫詩十四首

儀坤廟樂章二首

陽靈配德陰魄昭升堯壇鳳下漢室龍興
覩天作對前旒是凝化行南國道盛西陵造舟集灌無德而稱我
粢既潔我醴既澄陰陰靈廟光靈若憑德馨惟饗孝思丞

烝

乾道既亨坤元以貞肅雍攸在輔佐斯成外睦九族內
光一庭克生叡哲祚我休明欽若徽範悠哉淑靈建茲
清宮於彼上京縮茅以獻絜秬惟馨實受其福斯乎億
齡

九日幸臨渭亭登高應制得歷字

暮節乘原野宣遊俯崖壁秋登華實滿氣嚴鷹隼擊
仙菊含霜泛聖藻臨雲錫願陪九九辰長奉千千歷

慈恩寺九日應制

寶宮星宿劫香塔鬼神功
王遊盛塵外睿覽出區中
日宇開初景天詞掩大風
微臣謝時菊薄采入芳叢

早春魚亭山

春氣

一作色

動百草紛榮時斷續
白雲自高妙裴回空山

曲陽林花已紅寒澗苔未綠
伊余息人事蕭寂無營欲

客行雖

一作須

云遠翫之聊自足

秋日還京陝西十里作

驅車一作馬

越陝郊北顧臨大河隔河望鄉邑秋風水增

波西登咸陽途日暮憂思多傳巖既紆鬱首山亦嵯峨

操築無昔老採薇有遺歌客遊節回換人生知一作能幾

何

杜甫云少保有古風得之陝郊篇謂此作也

奉和送金城公主適西蕃應制

天道寧殊俗慈仁

一作深恩

乃戢兵懷荒寄赤子忍愛鞠蒼

生月下瓊娥去星分寶婺行闕山馬上曲相送不勝情

春日登樓野望

憑軒聊一望春色幾分菲
野外煙初合樓前花正飛
嬌鶯弄新響斜日散餘暉
誰忍孤遊客言念獨依依

餞許州宋司馬赴任

令弟與名兄高才振兩京
別序聞鴻雁離章動鶴鴒
遠朋馳翰墨勝地寫丹青
風月相思夜勞望潁川星

奉和聖製春日幸望春宮應制

九春風景足林泉四面雲霞敞
御筵花鏤黃山繡作苑
草圖玄灞錦為川飛觴競一作起
醉心迴日走馬爭先眼

著鞭喜奉仙遊歸路遠直言一作論行樂不言旋

奉和幸安樂公主山莊應制

主家園囿

一作宇
一作囿

極新規帝郊遊豫奉天儀歡宴瑤臺

鎬京集賞賜銅山蜀道移曲閣交映金精板飛花亂下
珊瑚枝借問今朝八龍駕何如昔日望仙池

秋朝覽鏡

客心驚落木夜坐聽秋風朝日看容鬢生涯在鏡中

夜宴安樂公主新宅

秦樓宴喜月裴回
妓筵銀燭滿庭開
坐中香氣排花出
扇後歌聲逐酒來

餞唐永昌

河洛風煙壯市朝
送君飛鳧去漸遙
更思明年桃李月
花紅柳綠宴浮橋

馬懷素

馬懷素字惟白
潤州丹徒人
擢進士第
長安中為監察御史
守正不阿
開元初拜戶部侍郎
昭文館學士
卒諡

曰文詩十二首

九日幸臨渭亭登高應制得酒字

睿賞叶通三宸遊契重九蘭將葉布席菊用香浮酒落
日下桑榆秋風歇楊柳幸齊東戶慶希薦南山壽

奉和九月九日登慈恩寺浮圖應制

季月啓重陽金輿陟寶坊御旗橫日道仙塔儼雲莊帝
蹕千官從乾詞七曜光碩慙文墨職無以頌時康

奉和送金城公主適西蕃應制

帝子今何去

一作在

重姻適異方離情愴宸掖別路遠關

梁望絕園中柳悲纏陌上桑空餘願黃鶴東顧憶迴翔

黃鶴見漢書西域傳公主歌云願為黃鶴子歸故鄉

餞許州宋司馬赴任

潁川開郡邑角宿分躔野君非仲舉才誰定

一作應

題興

者憫憫琴上鶴蕭蕭路傍馬嚴程若可畱別袂希再把

餞唐州高使君赴任

外牧資賢守斯人奉帝俞淮南膺建隼渭北暫分符坐

歎煙波隔行嗟物候殊何年昇美課

一作政

迴首

一作看

北

城隅

奉和立春遊苑迎春應制

玄籥飛灰出洞房青郊迎氣肇初陽仙輿暫

一作早

下宜

春苑御醴行開薦壽觴映水輕苔猶隱綠緣堤弱柳未

舒黃唯有裁花飾簪鬢恒

一作相

隨聖添狎年光

奉和聖製春日幸望春宮應制

綵仗琤輿俯碧潁行春御氣發皇心搖風細柳縈馳道

映日輕花出禁林遍

一作通

野園亭開帝幕迎堤草樹狎

衣簪謬叅西掖霑堯酒願沐南薰解舜琴

奉和人日讌大明宮恩賜綵縷人勝應制

一作正月

七日宴

大明殿

日

一作萬

宇千門平旦開天容萬

一作辰

象列昭回三陽候

節金為勝百福迎祥玉作杯就暖風光偏著柳辭寒雪
影半藏梅何幸得參詞賦職自憐終乏馬卿才

奉和幸安樂公主山莊應制

主家臺沼

一作館

勝平陽帝幸歡娛樂未央掩映瑤窗交

極浦參差繡戶繞迴塘泉聲百處傳歌

一作歌傳

曲樹影千

重對舞

一作舞對

行聖酒一霑何以報唯欣頌德奉時康

興慶池侍宴應制

積水逶迤繞直

一作貝

城含虛皎鏡有餘清圖雲曲榭

一作

榭連緹幕映日中塘間綵旌賞洽猶聞簫管沸歡留更

睹木蘭輕無勞海上尋仙客即此

一作有

蓬萊在帝京

夜宴安樂公主宅

鳳樓窈窕凌三襲翠幌玲瓏瞰九衢
複道中宵畱宴衍
彌令上客想踟躕

餞唐永昌

聞君出宰洛陽隅賓友稱觴餞路衢
別後相思在何處

祇應闕

一作闕

下望仙鳬

御定全唐詩卷九十三

欽定四庫全書

御定全唐詩卷九十四

富嘉謨

富嘉謨雍州武功人舉進士長安中累官晉陽尉預修
三教珠英中興初歷左臺御史與吳少微友善屬詞竝
以經典為本文體一變號為富吳體張說稱其文如孤
峯絕岸壁立萬仞濃雲鬱鬱興震雷俱發誠可畏也若施
於廊廟則駭矣集十卷今存詩一首

明冰篇

北陸蒼茫河海凝南山闌干晝夜冰素彩峨峨明月升
深山窮谷不自見安知採斲備嘉薦陰房涸沍掩寒扇
陽春二月朝始暾春光潭沲度千門明冰時出御至尊
彤庭赫赫九儀備腰玉煌煌千官事明冰畢賦周在位
憶昨沙漠一作朔寒風漲崑崙長河水始壯滂汗峻嶒積
亭障噦噦鳴雁江上來禁苑池臺冰復開搖青涵綠映
樓臺幽歌七月王風始鑿冰藏用昭物軌四時不忒千

萬祀一作
禩

吳少微

吳少微新安人舉進士累至晉陽尉與富嘉謨同官中
興初以韋嗣立薦拜右臺御史嘗為并州長史張仁亶
撰進九鼎銘表集十卷今存詩六首

長門怨

月出映層城孤圓上太清君王眷愛歇枕席涼風生怨
咽不能寢踟躕步前楹空堦白露色百草寒蟲鳴念昔

金房裏猶嫌玉座輕如何嬌所悞長夜泣恩情

和崔侍御日用遊開化寺閣

左憲多才雄故人尤鷲鶚護贈單于使休軺太原郭館
次厭煩歆清懷尋寂寞西緣十里餘北上開化閣初入
雲樹間冥蒙未昭廓漸出欄楯外萬里秋景焯

一作灼

歲

晏風落山天寒水歸壑覽物頌幽景三乘動玄鑰但敷

利

一作相

解言永用忘昏著

哭富嘉謨

并序

維三月癸丑河南富嘉謨卒予時寢疾於洛陽北
里聞之投枕而起淚沾乎衽席匍匐於寢門之外
病不能哭仰天而呼曰天乎天乎俾予曷所朋曷
有律曷可得而見抑斯文也以存乎哀太常少卿
徐公鄜州刺史尹公中書徐元二舍人兵部張郎
中未嘗值我不歎于朝夫情悼之賦詩以寵亡也
其詞曰

吾友適不死於戲社稷臣直祿非造利長懷大庇人乃

通承明籍邁

一作邁

此敦牂春藥厲其可畏皇穹故匪仁

疇昔與夫子孰云異天倫同病一相失茫茫不重陳子

之文章在其殆尼父新鼓興幹河岳貞詞毒鬼神可悲

不可朽車轡沒荒榛聖主賢為寶吁茲大國貧

紀事云少微與

嘉謨齊名並為御史卧疾聞其亡號哭賦詩其詞莫不歎美既而病亟歎曰生死人之大分何恨焉然官職十分未作其一乃至是耶慷慨而終

過漢故城

大漢昔未定強秦猶擅場中原逐鹿罷高祖鬱龍驤經

始謀帝座茲馬壯未央規模窺棟宇表裏浚城隍羣后
崇長樂中朝增建章句陳被蘭綺樂府奏芝房翡翠明
珠帳鴛鴦白玉堂清晨寶鼎食間夜鬱金香天馬來東
道佳人傾北方何其赫隆盛自謂寶靈長厯數有時盡
哀平嗟不昌冰堅成巨猾火德遂頽網奧位匪虛校貪
天竟速亡魂神吁社稷豹虎鬪巖廊金狄移灞岸銅盤
向洛陽君王無處所年代幾荒涼宮闕誰家域秦蕪冑
我裳井田唯有草海水變為桑昔在高門內於今岐路

傍餘基不可識古墓列成行狐兔驚魍魎鳥嚇猶狂
空城寒日晚平野暮雲黃烈烈樊青棘蕭蕭吹白楊千
秋并萬歲空使詠歌傷

古意

洛陽芳樹向春開洛陽女兒平旦來流車走馬紛相催
折芳瑤華向曲臺曲臺自有千萬行重花累葉間一作映

垂楊北林朝日鏡一作錦明光南國微風蘇合香可憐窈

窕女不作邯鄲娼妙舞輕迴拂長袖高歌浩唱發清商

歌終舞罷歡無極樂往悲來長歎息陽春白日不少留

紅榮

一作花

碧樹無顏色碧樹風花先春度珠簾粉澤無

人顧如何年少忽遲暮坐見明月與白露明月白露夜已寒香衣錦帶空珊珊今日陽春一妙曲鳳皇樓上與君彈

怨歌行

城南有怨婦含情傍芳叢自謂二八時歌舞入漢宮皇恩數流盼承幸玉堂中綠柏黃花催夜酒錦衣羅袂逐

春風建章西宮煥若神燕趙美女三千人君王厭德不
忘新況羣豔冶紛來陳是時別君不再見三十三春長
信殿長信重門晝掩闕清房曉帳幽且閒綺窗蟲網氛
塵色文軒鶯對一作樹桃李顏天王貴宮不貯老浩然含

淚

一作
淚墮

今來還自憐春色轉晚暮試逐佳遊芳草路小

腰麗女奪人奇金鞍少年曾不顧有逸句歸來誰為夫請

謝西家婦莫辭先醉解羅襦

員半千

員半千晉州臨汾人本名餘慶其師王義方器之曰五百歲一賢者生子宜當之因改名半千應八科師舉授武陟尉歲旱發粟賑饑為薛元超所稱垂拱中補左衛胄曹充吐蕃宣慰使則天曰久聞卿名謂是古人不意乃在朝列即使入閣供奉證聖中為弘文館學士仍分日待制五遷正諫大夫預修三教珠英中宗時為濠州刺史睿宗徵拜太子右諭德兼崇文館學士性樂山水開元中卜居堯山年九十四卒集十卷今存詩三首

隴頭水

路出金河道山連玉塞門
旌旗雲裏度楊柳曲中喧
喋血多壯膽裹革無怯魂
嚴霜斂曙色大明辭朝暎
塵銷營卒壘沙靜都尉垣
霧卷白山出風吹黃葉翻
將軍獻凱入萬里絕河源

隴右途中遭非語

趙有兩毛遂魯聞二曾參
慈母猶且惑況在行路心
冠冕無醜士賄賂成知己
名利我所無清濁誰見理
敝服

空逢春緩帶不著身出遊非懷璧何憂乎忌人正須自
保愛振衣出世塵

儀坤廟樂章

孝享云畢維徹有章雲感玄羽風悽素商瞻望神座祇
戀匪遑禮終樂闋肅雍鏘鏘

王適

王適幽州人則天時敕吏部糊名考選人判以求才俊
適與劉憲司馬鍠梁載言相次入第二等官至雍州司

功參軍詩五首

銅雀妓

日暮銅雀迴秋深玉座清
蕭森松柏望委鬱綺羅情
君恩不再得妾舞為誰輕

蜀中言懷

獨坐年將暮常懷志不通
有時須問影無事却書空
棄置如天外平生似夢中
蓬心猶是客華髮欲成翁
跡滯魂逾窘情乖路轉窮
別離同夜月愁思隔秋風
老少悲

顏駟

一作
叟

盈虛悟翟公時來不可問何用求童蒙

古別離

昔歲驚楊柳高樓悲獨守今年芳樹枝孤棲怨別離珠
簾晝不捲羅幔曉長垂苦調琴先覺愁容鏡獨知頻年

雁度無消息罷却

一作
去

鴛文何用織夜還羅帳空有情

春著裙腰自無力青軒桃李落紛紛紫庭蘭蕙日

一作
香

氛氲已能顛賴今如此更復含情一待君

江上有懷

湛湛江水見底清
荷花蓮子傍江生
採蓮將欲寄同心
秋風落花空復情
擢歌數曲如有待
正見明月度東海
海上雲盡月蒼蒼
萬里分輝滿洛陽
洛陽閨閣夜何央
蛾眉嬋娟斷人腸
寂寥金屏空自掩
青熒銀燭不生光
應憐水宿洞庭子
今夕迢遙天一方

江濱梅

忽見寒梅樹開花
漢水濱不知春色早
疑是弄珠人

閭丘均

閻丘均益州成都人以文章著稱景龍中為安樂公主
所薦拜太常博士主敗坐貶循州司倉集十卷今存詩

一首

臨水亭

高館基曾山微羃生花草傍對野村樹下臨車馬道清
朗悟心術幽遐備瞻討迴合峯隱雲聯綿渚縈島氣似
滄洲勝風為青春好相及盛年時無令歎衰老

齊澣

齊澣字洗心定州義豐人聖厯中制科登第調蒲州司
法參軍歷監察御史開元中遷中書舍人論駁書詔皆
準古義宋璟蘇頲竝重之與修四庫羣書杜暹表宋璟
為吏部尚書澣及蘇晉為侍郎時稱高選後為江南採
訪使以瓜步多風濤乃移漕路於京口又立伊婁埭迄
今利濟終平陽太守詩二首

長門怨

煢煢孤思逼寂寂長門夜妾妬亦知非君恩那不借攜

琴就玉階調悲聲未諧將心託

一作寄

明月流影入君懷

長門怨

一作劉
阜詩

宮殿沈沈月欲分昭陽更漏不堪聞
珊瑚枕上千行淚

不是思君是恨君

一作半是思
君半恨君

祝欽明

祝欽明字文思京兆始平人舉明經長安元年累遷太子率更令兼崇文館學士中宗在春宮欽明充侍讀及即位擢拜國子祭酒同中書門下三品歷刑部禮部二

尚書嘗與羣臣侍宴欽明自言能八風舞據地搖頭睨目顧盼吏部侍郎盧藏用歎曰祝公是舉五經掃地矣
景雲初為侍御史倪若水所劾貶饒州刺史詩一首

儀坤廟樂章

闕宮實實清廟微微降格無象馨香有依式昭纂慶方
融嗣徽明裡是享神保聿歸

劉知幾

劉知幾後名子玄以詞學知名弱冠舉進士授獲嘉主

簿證聖中詔九品已上各言時政知幾上陳四事詞甚
切直累遷左史擢鳳閣舍人景龍初轉太子中允仍修
國史時監修者多知幾奏記蕭至忠言五不可以為汗
青無日頭白可期又著史通二十卷備論史策之體徐
堅重其書謂居史職者宜置座右景雲中遷太子左庶
子兼崇文館學士開元初為左散騎常侍在史職二十
年嘗對鄭惟忠曰史才須有三長才也學也識也時人
以為知言詩一首

儀坤廟樂章

妙算申帷幄神謀出廟廷兩階文物備七德武功成校獵長楊苑屯軍細柳營將軍獻凱入歌舞溢重城

胡雄

胡雄開元時人詩一首

儀坤廟樂章

送文迎武遞參差一始一終光聖儀四海生人歌有慶

千齡孝享肅無虧

張齊賢

張齊賢聖歷初為太常奉禮郎累遷諫議大夫詩一首

儀坤廟樂章

裸圭既濯鬱鬯既陳畫幕雲舉黃流玉醇儀充獻酌禮
盛衆裡地察惟孝愉焉饗親

鄭善玉

鄭善玉開元時人詩一首

儀坤廟樂章

酌鬱既灌取蕭方藝籩豆靜器簠簋芬飮魚腊薦美牲
牲表絜是戢是將載迎載列

江悅

江悅開元時人詩一首

儀坤廟樂章

孝哉我后冲乎迺聖道映重華德輝文命慕深視篋情
殷撫鏡萬國移命兆人承慶

御定全唐詩卷九十四

欽定四庫全書

集部

御定全唐詩卷九十八

五至

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣李奎

謄錄監生臣潘坦

欽定四庫全書

御定全唐詩卷九十五

沈佺期

沈佺期字雲卿相州內黃人善屬文尤長七言之作擢
進士第長安中累遷通事舍人預修三教珠英轉考功
郎給事中坐交張易之流驩州稍遷台州錄事參軍神
龍中召見拜起居郎修文館直學士歷中書舍人太子
少詹事開元初卒建安後訖江左詩律屢變至沈約庾

信以音韻相婉附屬對精密及佺期與宋之問尤加靡麗回忌聲病約句準篇如錦繡成文學者宗之號為沈宋語曰蘇李居前沈宋比肩集十卷今編詩三卷

芳樹

一作宋之問詩

何地早芳菲宛在長門殿天桃色若綬穠李光如練啼鳥弄花疎遊蜂飲香遍歎息春風起飄零君不見

長安道

一作宋之問詩

秦地平如掌層城入

一作出

雲漢樓閣九衢春車馬千門

旦綠槐開復合紅塵聚還一作迴散日晚鬪雞還經過狹

斜看

有所思

一作宋之問詩

君子事行後再空芳歲期美人曠延佇萬里浮雲思園
槿綻紅豔郊桑柔綠滋坐看長夏晚秋月照一作生羅幃

臨高臺

高臺臨廣陌車馬紛相續回首思舊鄉雲山亂心曲遠
望河流緩周看原野綠向夕林鳥還憂來飛景促

鳳笙曲

憶昔王子晉鳳笙遊雲空揮手弄白日安能戀青宮豈
無嬋娟子結念羅幃中憐壽不貴色身世兩無窮

擬古別離

白水東悠悠中有西行舟舟行有返櫂水去無還流奈

何生別者戚戚懷遠遊遠遊誰當惜所悲會難收自君

閒

一作聞

芳躋

一作履

青陽四五道皓月掩蘭室光風虛蕙

樓相思無明晦長歎累冬

一作春

秋離居久遲暮高駕何

淹留

辛丑歲十月上幸長安時扈從出西嶽作

西鎮何穹崇壯哉信靈造諸嶺皆峻秀中峰特美好傍

見巨掌存勢如石東倒頗聞首陽去開坼此河道磅礴

壓洪源巍峩壯

一作載

清昊雲泉紛亂瀑天磴屹橫抱子

先呼其巔宮女世不老下有府君廟歷載傳灑掃皇

一作

星明應天游十月戒豐鎬微末忝間從兼得事蘋藻宿

心愛茲山意欲拾靈草陰壑已永閔雲竇絕探討芳月

期來過迴策思方浩

和杜麟臺元志春情

嘉樹滿中園氛氲羅秀色不見仙山雲倚琴

一作瑟

空太

息沈思若在夢緘怨似無憶青春坐南移白日忽西匿
蛾眉返清鏡閨中不相識

別侍御嚴凝

七澤雲夢林三湘洞庭水自古傳剽俗有時逋惡子今
君出使車行邁方靡靡靜言憂積棘慎勿傷蘭芷

送喬隨州侶

結交三十載同遊一萬里情為契濶生心由別離死拜
恩前後人從宦差池起今爾歸漢東明珠報知己

送友人任括州

青春浩無際白日乃遲遲胡為賞心客歎邁一作過此芳

時甌粵迫茲守京闕從此辭茫茫理雲帆草草念行期
紛吾結遠佩帳餞出河湄太息東流水盈觴難再持

餞遠

任子徇遐祿結友開舊襟
揆酌輟行歎指途勤遠心
秋晶澄回壑霽色肅明林
曖然清軒暮浩思非町任

同工部李侍郎適訪司馬

一本此下有先生二字

子微

紫微降天仙丹地投

一作授

雲藻上言華頂事
中問長生

道華頂居竅高大壑
朝陽早長生術何妙
童顏後天老
清晨朝鳳京
靜夜思鴻寶
憑崖飲蕙氣
過澗摘靈草
人非冢已荒
海變田應燥
昔嘗遊此郡
三霜弄溟島
緒言霞上開
機事塵外掃
頃來迫世務
清曠未云保
崎嶇待

漏恩怵惕司言造軒皇重齋拜漢武愛祈禱順風懷崆峒承露在豐鎬冷然委輕馭復得散一作快幽抱柱下留伯陽儲闈登四皓聞有參同契何時一探討

自昌樂郡泝流至白石嶺下行入郴州

茲山界夷夏天險橫寥廓太史漏登探文命限開鑿北流自南瀉羣峰回衆壑馳波如電騰激石似雷落崖留

盤古樹澗蓄神農藥乳竇何淋漓苔

一作莓

蘚更彩錯娟

娟潭裏虹渺渺灘邊鶴歲杪應流火天高雲物

一作霧

薄

金風吹綠梢玉露洗紅籜
汴舟始興解登踐桂陽郭
甫

畲緣修坂穹窿曳長紵

一作索

礙林阻往來遇堰每前却

救艱不遑飯畢昏無暇
泊濯溪寧足懼磴道誰云惡
我

行山水間湍險皆不若

一作我行湍險多山水皆不若

安能獨見聞書

此貽京洛

過蜀龍門

龍門非禹鑿詭怪乃天功
西南出巴峽不與衆山同
長

竇

一作短

亘五里宛轉復嵌空
伏湍煦潛石瀑水生輪風

流水無晝夜噴薄龍門中
潭河勢不測藻葩垂彩虹
我行當季月煙景共春融
江關勤亦甚巘嶠意難窮
勢將息機事煉藥此山東

入衛作

淇上風日好紛紛
沿岸多綠芳
幸未歇泛濫此明波
采繁憶幽一作幽吹理棹想荆歌
鬱然懷君子浩曠將如何

夜泊越州逢北使

天地降雷雨放逐還國都
重以風潮事年月戒回艫
容

顏荒外老心想域中愚
憩泊在茲夜炎雲逐斗
樞隨颺縈海若霹靂耿天
吳鰲抃羣島失鯨吞衆
流輸偶逢金華使握手
淚相濡飢共噬齊棗眠
共席秦蒲既北思攸濟
將南睿所圖往來固无
咎何忽憚前桴

紹隆寺

并序

紹隆寺江嶺最奇去驪州城二十五里將北客畢
日遊憩隨例施香回於舟中作

吾從釋迦久無上師涅槃探道三十載得道天南端非

勝適殊方起諠歸理難放棄乃良緣世慮不曾干香界
縈北渚花龕隱南巖危昂階下石演漾窗中瀾雲蓋看
木秀天空見藤盤處俗勒一作勤宴坐居貧業行壇試將
有漏軀聊作無生觀了然究諸品彌覺靜者安

神龍初廢逐南荒途出郴口北望蘇耽山

少曾讀仙史知有蘇耽君流望來南國依然會一作曾昔

聞泊舟問耆老遙指孤山雲孤山郴郡北不與衆山羣
重崖下縈映嶢峴上糾紛碧峰泉附落紅壁樹傍分選

地今方爾昇天因

一作固

可云不才子竄迹羽化子遺芬

將覽成麟鳳旋驚禦鬼文此中迷出處含思獨氤氲

初達驩州

流子一十八命予偏不偶配遠天遂窮到遲日最後水
行儋耳國陸行雕題數魂魄遊鬼門骸骨遺鯨口夜則
忍飢卧朝則抱病走搔首向南荒拭淚看北斗何年赦
書來重飲洛陽酒

被彈

知人昔不易舉非貴易失爾何按國章無罪見呵叱平
生守直道遂為衆所嫉少以文作吏手不曾開律一旦
法相持荒忙意如漆幼子雙囡圖老夫一念

一作請

室昆

弟兩三人相次俱囚枉萬鏐當衆怒千謗無片實庶以
白黑讒顯此淫渭質効吏何咆哮晨夜聞撲扶事間拾
虛證理外存枉筆懷痛不見伸抱冤竟難悉窮囚多垢
膩愁坐饒蟣虱三日唯一飯兩旬不再櫛是時盛夏中
暎赫多瘵疾瞪目眠欲閉喑鳴氣不出有風自扶搖鼓

蕩無倫匹安得吹浮雲令我見白日

枉繫二首

吾憐曾家子昔有投杼疑吾憐姬公且非無鵠鴉詩臣
子竭忠孝君親惑讒欺妻斐離骨肉含愁一作懷興此辭

昔日公治長非罪遇縲紲聖人降其子古來歎獨絕我

無毫髮瑕苦心懷冰雪今代

一作世

多秀士

一作才

誰能繼

明轍

黃鶴

黃鶴佐丹鳳不能羣白鵷拂雲遊四海美影到三山遙

憶君軒上來下天池

一作地

間明珠世不重知有報恩環

傷王學士

并序

王君赦者少小遊洛陽吾與君隴西李子至為友
家貧倦道歲常晏如屬文豪翰吟諷所得時會絕
境長安初以器行制在蕃邸侍諸人遊四年余遭
浮議下獄他日余至來知君物化嗚呼穎叔享年
不遐昔同為人今先鬼錄恨吾非所闕爾喪葬退

而賦詩以哀命

閉囚斷外事昧坐半餘暮有言穎叔子亡來已一時初
聞宛不信中話涕漣漣痛哉玄夜重何遽青春姿憶汝
曾旅食屢空漚澗瀆吾徒祿未厚宵斗愧相貽原憲貧
無愁顏回樂自持詔書擇才善君為王子師寵儒名可
尚論秩官猶欺化往不復見情來安可思目絕高翰灑
耳無歌諷期靈樞寄何處精魂今何之恨予在丹棘不
得看素旗孀妻知己歎幼子路人悲感遊值商日絕弦

留此詞

古鏡

莓苔翳清池
蝦蟆蝕明月
埋落今如此
照心未嘗歇
願垂拂拭恩
為君鑒玄髮

鳳簫曲

一作古意

八月涼風動高閣
千金麗人捲綃幕
已憐池上歇芳菲
不念君恩坐搖落
世上榮華如轉蓬
朝隨阡陌暮雲中
飛燕侍寢昭陽殿
班姬飲恨長信宮
長信宮昭陽殿春

來歌舞妾自知秋至簾櫳

一作榮華

君不見昔時高麗女厭世

紛學吹鳳簫乘彩雲含情轉睩向蕭史千載紅顏持贈

君

古歌

落葉流風向玉臺夜寒秋

一作寒
紅愁

思洞房開水晶簾外

金波下雲母窗前銀漢回玉階陰陰苔蘚色君王履綦

難再得璇閨窈窕秋夜長繡戶徘徊月光燕姬綵帳

芙蓉色秦女

一作子

金鑪蘭麝香北斗七星橫夜半清歌

一曲斷君腸

七夕曝衣篇

按王子陽園苑疏太液池邊有武帝閣每至七月七日夜宮女出后

衣曝之

君不見昔日宜春太液邊
披香畫閣與天連
燈火

一作華

灼爍九微

一作衛

暎香氣氤氲百和然
此夜星繁河正白

人傳織女牽牛客
宮中擾擾曝衣樓
天上娥娥紅粉席

曝衣何許曛

一作時夜

半黃宮中綵女提
玉箱珠履奔騰上

蘭砌金梯

一作閨

宛轉出梅梁
絳河裏碧煙上
雙花伏兔

畫屏風四子盤龍擎斗帳舒羅散縠雲霧開綴玉垂珠
星漢回朝霞散彩羞衣架晚月分光劣鏡臺上有仙人
長命綰一作錦中看一作有玉女迎歡繡璫簾一作筵中別
作春珊瑚窗裏翻成畫枰房金屋寵新流意氣嬌奢不
自由漢文宜惜露臺費晉武須焚前殿裘

入少

一作小

密溪

雲峯苔壁繞溪斜江路香風夾岸花樹密不言通鳥道
雞鳴始覺有人家人家更在深巖口澗水周流宅前後

遊魚瞥瞥雙釣童伐木丁丁一樵叟自言避喧非避秦
薜衣耕鑿帝堯人相留且待雞黍熟夕卧深山蘿月春

霹靂引

歲七月火伏而金生客有鼓琴於門者奏霹靂之商聲
始戛羽以騏驎終扣宮而砰駘電耀耀子龍躍雷闐闐
兮雨冥氣鳴哈以會雅態歛翕以橫生有如驅千旗制
五兵截荒虺斲長鯨孰與廣陵比意別鶴儔精而已俾
我雄子魄動毅夫髮立懷恩不淺武義雙輯視胡若芥

剪羯如拾豈徒慷慨中筵備羣娛之翕習哉

一本有故此知也四

字

御定全唐詩卷九十五